

SEJARAH DAN ADAT LINGGI

Latchan Ilmiah

Untuk Memenuhi Keperluan Kelulusan

B.A. (Honours)

Jabatan Pengkajian Melayu

oleh

MOHAMAD ALI BIN HAJI ABDUL AZIZ

UNIVERSITI MALAYA
DI KUALA LUMPUR

DECEMBER, 1960

SEPATUH KATA

Salah satu 'adat yang di'adatkan oleh orang tua-tua dahulu ialah,
 TUJUAN 'Adat Linggi. 'Adat ini dipakai di Kampong Linggi iaitu sebuah,
 kampong orang-orang Melayu yang berketurunan Bugis Riau. Letaknya
 kampong itu ialah di selatan Negri Sembilan.

Kononnya 'Adat Linggi yang dipakai sekarang ialah satu 'adat yang sudah
 diubah oleh mereka-mereka yang chenderong kepada 'Adat Perpatih. Perubahan ini
 sungguh menarik — menarik kerana adanya gulungan waris-waris Linggi yang ter-
 pengaruh oleh 'Adat Perpatih, — menarik kerana adanya perubahan dikalangan
 masyarakat Linggi sendiri. Tujuan saya ialah hendak menggambarkan 'Adat Linggi
 dahulu dan sekarang sebagai satu pengkajian mengenai masyarakat 'adat dan juga
 hendak menentukan perubahan-perubahan serta masa perubahan itu dilakukan.

Pengkajian ini adalah terbahagi dua iaitu yang pertama ialah
 CHARA PENGAJIAN bahagian sejarah yang berasaskan dua sumber iaitu, pertama, dari
 buku-buku yang ditulis oleh orang-orang ternama, teristimewa,
 Raja Ali al-Haj, T. J. Newbold, R. J. Wilkinson, R. O. Winstedt dan J. M. Gullick,
 dan kedua, dari hasil penyiasatan saya yang telah saya bandingkan dengan tulisan-
 tulisan orang ternama itu. Bahagian ini, rasa saya, adalah berguna untuk memahami
 bahagian kedua iaitu 'Adat Linggi yang berasaskan semata-mata hasil penyiasatan
 saya sendiri.

Didalam masa menyediakan latehan ini saya telah menemui beberapa
 BERTERIMA KASIH orang tua-tua Linggi dan kepada merekalah saya ucapkan berbanyak
 terima kasih, terutamanya kepada Dr. Mohd. Said bin Mohamad,
 Menteri Besar Negri Sembilan, Che'Gu Abdul Samad bin Zainuddin, Dato' Panglima Perang
 Linggi, dan Inche' Yahya bin Abu, Dato' Muda Linggi. Kepada Tuan Mohd. Yusof bin
 Darus, Pegawai Daerah Port Dickson, yang telah memijamkan saya buku Undang-Undang,

Tubuh Kerajaan Negri Sembilan 1959, dan juga kepada Tuan Haji Zainal 'Abidin bin Ahmad dan Tuan Haji Abdul Aziz bin Haji Mohd. Khamis yang telah memberi saya banyak dorongan dan petunjuk, saya ucapkan terima kasih.

Akhirnya ucapan terima kasih saya adalah ditujukan kepada Tuan M. G. Swift yang telah membimbing saya dari awal hingga akhir pengkajian ini.

Mohamad Ali bin Haji Abdul Aziz.

Universiti Malaya di Kuala Lumpur,
December, 1960.

K A N D U N G A N

SEPATAH KATA	...	...	...	Muka i
BAB I - PENDAHULUAN	...	...	...	1
BAB II - SEJARAH LINGGI	...	...	...	3
BAB III - 'ADAT LINGGI	...	...	...	21
BAB IV - PENTADBIRAN 'ADAT	...	...	...	33
BAB V - PEMBESAR PEMBESAR LINGGI	...	...	...	38
BAB VI - PERTIKAIAN 'ADAT DI LINGGI	...	...	...	44
BAB VII - PENUTUP	...	...	...	52
RENGKASAN (Inggeris)	...	...	...	57

PENGHUJUNGAN:

1. PETA LINGGI
2. PETA NEGRI SEMBILAN
3. SURAT IKHRAR WARIS-WARIS LINGGI
4. ASAL USUL DATO' MUDA
5. ASAL USUL ORANG LINGGI
6. SUMBER BACHAAN

PENDAHULUAN

Saya ada membaca satu berita tentang pertikaian 'adat di Linggi dalam Utusan Melayu keluaran 22hb. February 1960. Didalam berita itu ada disebutkan bahawa "'adat yang berjalan di Linggi sekarang sangat bertentangan dengan 'adat asalnya kerana 'adat orang Linggi yang baru ini ialah mengikut 'adat sechara Perpatih iaitu berperut dan bukannya 'adat yang turun temurun."

Berita itu telah menarik perhatian saya dan oleh kerana 'adat orang Linggi itu belum ada ditulis orang sechara mendalam maka saya buat ketetapan untuk menyiasat tentang 'adat ini terutamanya 'adat asli yang turun temurun itu dari orang tua-tua Linggi yang tahu untuk dijadikan bahan bagi memenuhi Latchan Ilmiah ini.

Ada juga orang-orang ternama teristimewa Tuan J. M. Gullick menulis tentang Linggi tetapi tulisan mereka tidak cukup kerana mereka lebih mementingkan sejarah daripada 'adat Linggi, dan lagi kerana tulisan mereka itu ada yang merupakan chatatan sambil lalu dan ada pula sebagai ranting daripada tulisan pokok iaitu Luak Sungai Ujong, kerana kepada mereka Linggi itu tidak boleh dipisahkan dari Luak Sungai Ujong bahkan sebahagian daripadanya. Oleh yang demikian saya akan chuba membuat gambaran yang lengkap tentang 'adat orang Linggi ini setakat yang terupaya oleh saya kerana masa dan bidang Latchan ini adalah terhad.

Kedudukan Linggi.

Adalah Linggi itu letaknya dua puluh batu di selatan Seremban, dan didalam Luak Sungai Ujong. Tetapi pada masa dahulu Linggi itu ialah wilayah yang mempunyai sempadan dan seorang ketua yang bergelar Dato' Penghulu yang kemudiannya bergelar Dato' Muda dan juga tiga orang Orang Besarnya.

Sempadan wilayah Linggi itu tidaklah mendapat ketentuan yang sebenarnya tetapi yang pasti ialah dari Kuala Seliau dan menerusi ulu Sungai Raya, Permatang Pasir hingga sampai ke Simpang Linggi dikiri kanan sungai itu dan kemudian mudok sungai disebalah Rembau dan dari Tebing Tinggi sampai ke Bukit Mandi Angin dan balik ke Kuala Seliau (lihat penghujungan 1). Inilah kawasan yang diberi oleh Dato' Kelana Leha kepada orang-orang Bugis dalam tahun 1780. Orang-orang Bugis itu datang ke Rembau dari Riau dan dudok di Penajis. Kemudian mereka pindah ke Linggi dan didalam kawasan itulah Dato' Muda Linggi itu Bergajah Tunggal iaitu bebas untuk mendirikan 'adat isti'adatnya sendiri. Sekarang kedudukan Dato' Muda itu tidaklah mendapat ketentuan lagi hanya mengikut pepatah iaitu 'Berbapa ke Kelana dan beremak ke Bandar'.

Menurut kata orang luar orang-orang Linggi itu umpama padi setangkai,

'adat ta' tertentu,

bilang ta' berator,

oleh kerana 'adat orang Linggi ini berlainan daripada 'Adat Perpatih yang dipakai dilain-lain tempat dalam Negri Sembilan maka 'Adat Linggi itu haruslah pada fikiran saya ditulis tanpa mengusik 'Adat Perpatih itu.

PEMBESAR-PEMBESAR LINGGI

1. Dato' Muda Linggi.

Dato' Muda itu ialah lambang 'adat isti'adat di Kampong Linggi. Selama lima puluh tahun sebelum tahun 1874, Dato' Muda telah membantu Dato' Kelana Sungai Ujong menentang Dato' ShahBandar¹ walau pun ia pernah bertengkar dengan Dato' Kelana. Ia pernah juga menanda-tangani perjanjian tahun 1874 sebagai seorang Penghulu yang merdeka. Dalam tahun 1776 ia dijadikan ahli Dowan Negri Sungai Ujong. Dalam tahun 1877 pula ia telah mengambil bahagian yang penting dalam perundingan tentang Simpang Linggi dan lagi dalam tahun 1883 ia telah menurunkan tanda-tangganya didalam perjanjian Rembau.²

Dato' Muda Linggi tidak pernah datang mengadap Dato' Kelana semasa Hari Raya Puasa dan tidak juga hadir dalam temasha-temasha besar yang lain seperti lembaga-lembaga didalam Sungai Ujong. Ia dikatakan "tiada ber'adat kedudukannya".³

1.1. Chara berlantekan Dato' Muda.

Sehingga tahun 1932 tidak ada apa-apa persetujuan tentang atoran berperut atau pun tentang peratoran bagi melantek ganti Dato' Muda. Oleh itu tiadalah dipakai atoran bergoler itu sebagai satu perbuatan yang ditetapkan melainkan dengan jalan bermufakat dan kebulatan sahaja, initu apabila mati Dato' Muda, segala waris yang tua-tua berkebulatan serta memilih seorang daripada mereka yang layak untuk dijadikan ganti Dato' Muda seperti kata pepatah 'adatnya:

"Berganti mati berkebulatan,
berganti hidup berkeredaaan serta kebulatan.

atau

Ganti hidup keredaaan,
ganti mati kerapatan."⁴

1. Pada masa itu Linggi belum 'beremakkan' Dato' ShahBandar Sungai Ujong.

2. Sungai Ujong oleh J. M. Gullick dlm JMRAS jld 22 bil 2(1949) ms.60.

3. Ibid ms.61.

4. Dari sini hingga akhir bab ini adalah hasil pertemuan saya dengan Dr. Mohd. Said dan To' Perang Abdul Samad.

Apabila kebukuan kerapatan segala waris yang tua-tua itu sudah didapat baharulah dihabarkan kepada To' Besar minta disampaikan ganti Dato' Muda itu serta kebulatannya sekali kepada Dato' Bandar. Kemudian Dato' Bandar menyembahkannya kepada Dato' Kelana untuk disahkan.

Demikianlah peratoran yang dipakai didalam Linggi dari dahulu hingga sampai kepada masa menjadikan Dato' Muda Haji Mohd. Peral iaitu dalam tahun 1870.

1.1.1. Dalam tahun 1893 pula iaitu sesudah Haji Mohd. Peral meninggal dunia kebulatan segala waris untuk melantek ganti Dato' Muda tidak dapat dicapai. Oleh itu segala waris Linggi telah berkebulatan untuk memulangkan hal perlantekan itu kepada ibu-bapa. Dengan itu ibu-bapa berkuasa penuh untuk memilih sesiapa sahaja asalkan ganti Dato' Muda itu seorang daripada waris Linggi, baik To' Besar atau pun orang kebanyakan. Walau bagaimana pun To' Besar itu tidak boleh dianggap sebagai bakal Dato' Muda Linggi, kerana tidak ada "turus teladannya" dan lagi tiada didengar daripada orang tua-tua Linggi. Apa-apa hal pun Dato' Muda hendaklah ditimbulkan dahulu.

1.1.2. Dato' Muda Mohd. Bustam meninggal dunia dalam tahun 1912 dan lantekan bagi gantinya telah tergendala kerana adanya perpechahan¹ dikalangan waris Linggi masa itu. Oleh sebab itu jawatan Dato' Muda itu telah terhenti selama dua puluh tahun. Dengan usaha dan siasatan Che' Gu Hassan bin Pok maka dapatlah satu susunan pesaka Linggi yang chuma mengambil asal Dato' Muda daripada Dato' Muda Mohd. Attas. Jika diperhatikan tumbuhnya pembesar-pembesar Linggi dalam susunan itu ada jua irasnya dengan 'Adat Perpatih'². Dengan berasaskan siasatan itu Dato' Kelana Tua (Mendiang) telah menetapkan tiga perut berhak untuk menyandang pesaka Linggi itu sechara bergeler dan oleh kerana Dato' Muda Haji Mohd. Peral itu tempatnya telah diambil daripada anak To' Awaludin yang laki-laki maka bagi pehak Perut Pengkalan iaitu perut yang ketiga bolehlah diambil anak laki-laki

1. Lihat ms.27 hal.3 dlm. Lat. Ilm. ini.

2. Ibid. ms.28 hal. 10-11.

dan perempuan menuntut sebagaimana permulaannya. Langkah yang dibuat oleh Dato' Kelama Tua itu ialah untuk menyelesaikan pertikaian yang telah berpanjangan itu dan juga untuk menyenangkan lantekan ganti pembesar-pembesar Linggi dikemudian hari kelak. Sejak tahun 1932 atoran berperut dan bergeler itulah yang dipakai bagi melantek Dato' Muda hinggalah hari ini.

1.2. Sharat menjadi Dato' Muda.

Dalam Bab III ada dibangkitkan soal waris Linggi.¹ Pada masa dahulu orang Linggi tidak bersuku, tidak berperut dan tidak berlembaga. Oleh yang demikian geleran berperut bukannya atoran membuat Dato' Muda, dan juga perut atau geleran bukannya satu sharat untuk menentukan ganti Dato' Muda.

Dato' Muda itu bukannya satu kebesaran yang 'diberi-beri' sahaja, tetapi ialah satu pangkat yang 'dipinjamkan' oleh waris kepada calon Dato' Muda kerana sebab-sebab yang tertentu. Sebab-sebab inilah yang dijadikan sharat untuk membuat Dato' Muda itu iaitu:

- (a) kaya, supaya dapat ia membeli senjata dan memelihara Linggi daripada musuh.
- (b) berakal dan bijak, supaya serang ia menjalankan keadilan didalam pentadbirannya.
- (c) baik dan tiada chedera.
- (d) pemurah dan tiada keras hati kepada segala saudara maranya yang ada tegasnya waris Linggi.
- (e) sudah umur orangnya, dan
- (f) disetujui segala waris; sharat yang keenam ini mesti ada kalau tidak seseorang waris itu tidak dapat dijadikan Dato' Muda walau pun ia sudah memenohi sharat-sharat yang lain itu, melainkan jika lantekan itu sudah dipulangkan kepada ibu-bapa.

Sharat-sharat yang diatas dipakai orang semasa Linggi dibawah pemerintahan sendiri. Tetapi sesudah tahun 1874 Linggi masuk bernaong dibawah bendera Inggeris, kekayaan tidak lagi menjadi ukuran kelayakan seseorang waris itu,

1. Ibid. ms. 24 hal.13 Cheraian 1.5.

Korana menurut perjanjian kerajaan Inggeris sedia memelihara Linggi daripada segala musuh. Yang penting sekarang ialah kepandaian dan kebijaksanaan seseorang itu dan juga persetujuan waris yang bulat bak telur terkupas.

1.3. Lain-lain perkara tentang Dato' Muda.

Perkara seperti penchen¹ dan kuasa² Dato' Muda sudah dibincangkan. Dato' Muda boleh membuat Orang Besarnya iaitu diatas dua syarat, pertama dengan kebuktan segala waris yang tua-tua dan kedua sesudah menerima kebulatan segala waris untuk memulangkan perkara lantekan³ Orang Besar itu kepadanya. Lantekan itu dijalankan oleh Dato' Muda di Balainya iaitu dirumahnya dan oleh yang demikian Dato' Mudalah ditimbulkan dahulu.

1.3.1. Dahulu Dato' Muda ada mempunyai mohor dan ada memakai kebesaran seperti pakaian Melayu chukup dengan kerisnya, tombak benderang dan payong. Alat kebesaran ini sudah hilang dan tiada siapa yang tahu bila dan bagaimana alat-alat itu hilang.³

1.3.2. Sesudah disahkan oleh Dato' Kelana, Dato' Muda Linggi dikehendaki mengadakan "kerjan" bagi dirinya iaitu satu keramaian di rumah Dato' Muda sendiri. Pada masa itu salasilah dibacakan dan keramaian itu dijamu sechara besar-besaran⁴ serta disaksi oleh Undang. Pada masa inilah pembesar-pembesar Linggi melayan ibu-bapa.

2. Orang Besar Dato' Muda.

Didalam Linggi ada tiga orang Orang Besar iaitu

Dato' Panglima Besar,
Dato' Panglima Perang, dan
Dato' Laksamana.

Orang Besar ini bukannya ketua perut tetapi ialah pegawai dibawah Dato' Muda.

1. Lihat ms. 25 hal. 21-26 dlm. Lat. Ilm. ini.

2. Ibid. ms. 33 hal. 17-23

3. Ini diterangkan oleh To' Perang Abdul Samad. Tetapi mengikut To' Muda Yahya kebesaran itu masih lagi dipakai sekarang dan pada masa pertemuan saya dengannya kebesaran itu belum lagi disiapkannya.

4. Menurut kata To' Muda Yahya sekurang-kurangnya \$1,000/- dibelanjakan.

Pangkat Orang Besar itu timbul semasa Haji Mohd. Salleh menjadi Dato' Muda Linggi iaitu dari tahun 1850 sampai tahun 1870. Masa itu Linggi tengah ~~ada~~ sebagai sebuah wilayah militari.

Lantekan Orang Besar itu tidaklah mengikut atoran berperut dan bergeler seperti yang dipakai sejak tahun 1932 itu. Didalam masa Syed Ahmad menjadi Dato' Muda dahulu ia telah menjadikan To' Perang dengan tidak mengikut geleran berperut dan juga To' Perang Abdul Samad, itu ialah anak pesaka iaitu daripada keturunan waris sebelah laki-laki dan bukannya waris iaitu daripada keturunan waris perempuan.

Sesiapa waris Linggi boleh memegang jawatan Orang Besar itu jika diperseujui segala waris yang tua-tua. Orang Besar itu dibuat di Balai Dato' Muda iaitu rumahnya.¹ Dan Dato' Perang bukannya bakal Dato' Besar. Begitu jugalah dengan Dato' Lak; dia bukannya bakal Dato' Perang kerana tiada "turus teladannya".

2.1. Dato' Panglima Besar.

Seperti yang telah dikatakan² Dato' Panglima Besar ialah ketua waris, tuan rumah dan juga menteri kepada Dato' Muda Linggi. Dia boleh menjadi ganti Dato' Muda tetapi dia tidak semestinya bakal Dato' Muda.

Seperti Dato' Muda kebulatan segala waris menentukan Dato' Besar. Apabila mati Dato' Besar, berkebulatanlah orang-orang Linggi mencharikan gantinya. Jika dapat kebulatan itu dibawahlah kepada Dato' Muda untuk disahkan. Jika tidak dapat, perlantikan itu dipulangkan kepada Dato' Muda. Sekarang lantikan itu adalah mengikut 'Adat Perpateh iaitu mengikut geleran berperut dan kebulatan iaitu menchukupilah dengan kebulatan segala waris yang seperut.

2.2. Dato' Panglima Perang.

Dato' ini melayan orang kerjanya dan dia berkuasa untuk menengok dan menyelesaikan perkara yang kechil-kechil. Dia ini 'tongkat sokong' kepada

1. Lihat ms. 41 hal. 9 dlm. Lat. Ilm. ini.
 2. Ibid. ms. 35 hal. 2 Cheraian 1.2
 • dan ms. 35 hal. 5 Cheraian 1.2.1.

Dato' Panglima Besar dan apa-apa perkara yang tidak terbuat diserahkan kepada Dato' Panglima Besar.

Dato' Perang ini ditugaskan untuk mencari kebulatan segala waris yang tua-tua yang ada didalam Linggi bila hendak menegakkan pesaka. Kemudian baharulah diserahkan kebulatan itu kepada Dato' Besar untuk disampaikan kepada ibu-bapa.

Lantekan Dato' Perang adalah menurut kebulatan segala waris tetapi sekarang 'Adat Perpatehlah atorannya.

2.3. Dato' Laksamana.

Dato' Laksamana ini menjadi 'mata telinga' kepada Dato' Muda dan Dato' Kelana. Dialah yang melihat dan menyiasat hal-hal didalam Linggi dan bersama Dato' Besar dan Dato' Perang disampaikan hal itu kepada Dato' Muda yang akan membawanya pula kepada ibu-bapa. Sebagai 'tongkat sokong' Dato' Besar, dia boleh menengok dan menyelesaikan perkara-perkara kecil.

Lantekannya ialah mengikut chara muafakat dan kebulatan tetapi sekarang 'Adat Perpateh menjadi atorannya.

Ketiga-tiga Orang Besar ini dipandang sebagai 'ibu-bapa'¹ oleh waris Linggi, kerana kepada dan menerusi merekalah segala waris mengadu dan merayu keatas. Untuk penjelasan tentang penchen dan kuasa Orang Besar ini, silalah lihat dalam bab-bab 1 dan 2.

1. Ibid. mas. 36 hal. 3 Cheraian 1.2.2.